

43

SOALAN NO: 20

**PEMBERITAHUAN PERTANYAAN DEWAN RAKYAT
JAWAPAN OLEH YB DATUK SERI DR. S. SUBRAMANIAM
MENTERI KESIHATAN MALAYSIA**

PERTANYAAN : LISAN

**DARIPADA : YB DATO' DR MUJAHID BIN YUSOF RAWA
[PARIT BUNTAR]**

TARIKH : 24 OKTOBER 2017

SOALAN : 20

YB Dato' Dr Mujahid Bin Yusof Rawa [Parit Buntar] minta **MENTERI KESIHATAN** menyatakan berapakah jumlah terkini Klinik 1Malaysia dan berapakah bilangan pesakit yang menggunakan diseluruh negara dari tahun 2015 hingga September 2017.

Tuan Yang di-Pertua,

Klinik 1Malaysia telah ditubuhkan pada 2010 bertujuan mengurangkan beban golongan terpinggir serta penduduk bandar berpendapatan rendah dengan menyediakan perkhidmatan kesihatan yang berdekatan dengan tempat tinggal mereka.

Bermula dengan 53 buah Klinik 1Malaysia pada tahun 2010, jumlahnya telah mencecah 361 buah tahun ini. Penerimaan baik masyarakat terhadap perkhidmatan yang disediakan di Klinik 1Malaysia dapat dilihat menerusi pertambahan kedatangan klien dari tahun ke tahun. Pada 2015,

kedatangan pesakit ke Klinik 1Malaysia berjumlah 6,092,332 orang. Manakala pada 2016, jumlah kedatangan pesakit adalah 6,472,001 orang, iaitu peningkatan 6% setahun. Bagi 2017, sehingga 31 Ogos lalu, jumlah kedatangan pesakit adalah 4,445,828 orang.

Pihak Kementerian sentiasa berusaha untuk menambahbaik perkhidmatan yang diberikan di Klinik 1Malaysia. Salah satu inisiatif tersebut ialah dengan penempatan Pegawai Perubatan di Klinik 1Malaysia. Sehingga 30 September 2017, sejumlah 102 buah dari 361 Klinik 1Malaysia seluruh negara telah ditempatkan dengan Pegawai Perubatan.

Penempatan Pegawai Perubatan di Klinik 1Malaysia secara tetap melibatkan sumber dan sokongan dari pelbagai pihak. Ini kerana penempatan Pegawai Perubatan akan turut melibatkan pertambahan anggota kumpulan sokongan di K1M, khususnya Penolong Pegawai Farmasi bagi tujuan pendispensan ubat; Jururteknologi Makmal Perubatan serta pertambahan ruang Klinik 1Malaysia sedia ada. Sokongan dari JPA dan Kementerian Kewangan amat diperlukan kerana melibatkan pertambahan perjawatan serta peruntukan mengurus. Oleh itu, perluasan penempatan Pegawai Perubatan akan dilaksanakan secara berperingkat ke seluruh negara tertakluk kepada keupayaan sumber semasa.